

NACRT ODLUKE

Na osnovu člama 9. i 25. Zakona o Agenciji za bankarstvo Federacije Bosne i Hercegovine ("Službene novine Federacije BiH", br. 9/96, 27/98, 20/00, 45/00, 58/02, 13/03, 19/03, 47/06, 59/06, 48/08, 34/12 i 77/12), člana 72. I člana 248. Zakona o bankama ("Službene novine Federacije BiH", broj 27/17) i člana 18. Statuta Agencije za bankarstvo Federacije BiH ("Službene novine Federacije BiH", broj 42/04), Upravni odbor Agencije za bankarstvo Federacije Bosne i Hercegovine na ___ sjednici održanoj ____ 2017. godine, donosi

ODLUKA O USLOVIMA ZA IZDAVANJE PROKURE U BANCI

Član 1. Predmet odluke

Ovom odlukom se propisuju bliži uslovi za izdavanje prokure od strane banke i to uslove koje treba ispunjavati lice kojem se daje prokura, vrsta i način izdavanja prokure, obim i ovlasti prokure, uključujući i ograničenja u poduzimanju određenih radnji od strane prokurista, a koja se utvrđuju statutom banke.

Član 2. Davanje prokure

- (1) U smislu ove odluke, prokura je ovlaštenje kojim banka ovlašćuje jedno ili više lica (prokuristi) za zaključivanje pravnih poslova i radnji u vezi sa poslovima banke, osim poslova koji se odnose na otuđenje i opterećenje nepokretnosti banke.
- (2) Prokura se daje u pisanom obliku, može se dati samo fizičkom licu i neprenosiva je.
- (3) Ako prokurom nije izričito navedeno da je data za organizacioni dio banke, smatra se da je data za banku i sve njene organizacione dijelove.
- (4) Nadzorni odbor banke, na prijedlog Uprave banke, daje prokuru jednom licu ili većem broju lica kao pojedinačnu ili zajedničku.
- (5) Ako je banka, prokurom ovlastila veći broj lica kao zajedničkom, pravni poslovi koja ta lica zaključuju i radnje koje preduzimaju punovažni su samo uz saglasnost svih tih lica, a izjave volje trećih lica i njihove pravne radnje koje se u tom slučaju učine prema jednom prokuristi, smatra se da su učinjene svim prokuristima.
- (6) Izjava volje ili pravna radnja učinjena prema jednom prokuristi ima pravni učinak kao da je učinjena prema svima.
- (7) Znanje o pravno odlučujućim činjenicama ili krivnja jednog zajedničkog prokuriste proizvodi pravne posljedice za davaoca prokure, bez obzira na znanje ili krivnju ostalih prokurista.

Član 3.

Uslovi koje treba ispunjavati prokurista

- (1) Za prokuristu može se ovlastiti lice koje ispunjava sljedeće uslove:
 - a) da ima dobar ugled,
 - b) da posjeduje diplomu VSS-VII stepen stručne spreme, odnosno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja,

- c) da ima odgovarajuća znanja, sposobnost i iskustvo iz oblasti finansija potrebno za zaključivanje pravnih poslova i radnji u vezi sa poslovima banke,
- d) da nije u sukobu interesa u odnosu na banku, dioničare, članove nadzornog odbora, nositelje ključnih funkcija i upravu banke,
- e) da je spreman i u mogućnosti da posveti dovoljno vremena za ispunjavanje obaveza i odgovornosti iz oblasti zaključivanja pravnih poslova i radnji u vezi sa poslovima banke,
- f) da nije osuđivan i da se ne vodi krivični postupak za krivična djela iz oblasti finansija, tržišta kapitala, pranja novca i finansiranja terorističkih aktivnosti ili da mu nije izrečena mjera sigurnosti zabrane obavljanja bankarske ili druge finansijske djelatnosti,
- g) da nije direktni ili indirektni vlasnik u drugoj banci ili pravnom licu.

Član 4.

Ograničenje prokure

- (1) Prokurista jedne banke ne može biti zaposlenik te banke, niti prokurista druge banke.
- (2) Prokurista ne može biti lice izabrani zvaničnik na državnom, entitetskom, kantonalnom i općinskom nivou.
- (3) Prokurista ne može bez posebnog ovlaštenja banke nastupati kao druga ugovorna strana i s bankom sklapati ugovore u svoje ime i za svoj račun, u svoje ime a za račun drugih lica, ili u ime i za račun drugih lica.
- (4) Prokurista ne može da zaključuje pravne poslove i preduzima pravne radnje u vezi sa sticanjem, otuđenjem ili opterećenjem nepokretnosti banke.
- (5) Prokurista ne može davati izjave i poduzimati radnje kojima se započinje stečajni postupak ili postupak koji dovodi do prestanka poslovanja banke.
- (6) Prokurista ne može da preuzima mjenične obaveze i obaveze jemstva.
- (7) Prokurista ne može da zastupa banku u sudskim postupcima ili pred arbitražom.

Član 5.

Potpis prokuriste

- (1) Prokurista ne može svoja ovlaštenja prenjeti na drugu osobu.
- (2) Prokurista je ovlašten da potpisuje pravno obavezujuće akte vezane za dodijeljene ovlasti uz naznaku da nastupa kao prokurist.
- (3) Predmetni akti trebaju obavezno biti supotpisani od strane najmanje jednog člana Uprave Banke.
- (4) Prokurista potpisuje banku pod svojim punim imenom, sa naznakom svog svojstva koje proizilazi iz prokure.

Član 5.

Davanje i prestanak prokure

- (1) Banka podnosi prijavu u registar poslovnih subjekata za upis izdavanja prokure, i rješenje o upisu dostavlja Agenciji.
- (2) Uprava banke dužna je pri upisu prokuriste u sudski registar upisati i ograničenje prokure.
- (3) Prokurista deponuje svoj potpis kod registarskog suda, a prilikom zastupanja banke dužan je uz potpis staviti naznaku da nastupa kao prokurist.

(4) Prokura prestaje opozivom od banke i otkazom od prokuriste, smrću, ograničenjem ili gubitkom poslovne sposobnosti prokuriste ili otvaranjem stečaja ili likvidacije nad bankom ili njenim prestankom rada iz bilo kojeg zakonskog razloga.

(5) Banka je dužna da primjenjuje sve odredbe ove odluke u vezi sa izdavanjem ovlaštenja za prokuru prilikom donošenja Statuta.

Član 6.

Stupanje na snagu

Ova odluka stupa na snagu osmog dana od dana objavljivanja u “Službenim novinama Federacije Bosne i Hercegovine”.

Broj: U.O.- /17
Sarajevo, __. __. 2017. godine

PREDSJEDNICA
UPRAVNOG ODBORA

mr. sc. Ljerka Marić, dipl.ecc.